

‘Mu’assasada Al-Kataib Waxay Insha-Allaah Dhowaan Baahin Doontaa Dokumentari ka Kooban 12 Qaybood oo Falanqaynaya Qawaaniinta Kufriga ee ay Xukuumadda Riddada ah Dalka ku Maamusho’

25 Muxarram 1443H (02 September 2021) – Mu’assasada Al-Kataib waxay Insha-Allaah dhowaan baahin doontaa dokumentari ka kooban laba iyo toban qaybood, kaas oo cinwaankiisu yahay “سَاءَ مَا يَحْكُمُونَ”. Muuqaalladan taxanaha ah waxaa diiradda lagu saari doonaa qawaaniinta kufriga ah ee ay ku dhaqmaan xukuumadaha riddada ah ee dalka ka dhisan, dadkeenana ku maamulaan. Wuxuu taxanahan si qotodheer u dul istaagi doonaa qodobada ku qeexan waxa loogu yeero dastuurka federaalka ee Soomaaliya, xeerka ciqaabta iyo shuruucda kale ee lagu hago siyaasadaha xukumadda iyo maamul goboleedyada riddada ah. Xeerarkan oo ah kuwo gacan-ku-rimis ah lagana soo minguuriyay dowladaha reer galbeedka saliibiga ah ayaa dalka lagu maamulayay laga soo billaabo xorriyad-ku-sheegii dhalanteedka ahaa ee la qaatay 1960kii ilaa maanta.

Xilli dhowaan lagu wado inay dalka ka qabsoomaan doorashooyin-ku-sheegga kufriga ah, ayay Mu’assasada Al-Kataib ugu tala gashay in ay ummadda uga digto gaalnimada loo soo dusinayo, iyadoo bulshada Soomaaliyeed daaha uga qaadi doonta gaalnimada qayaxan iyo foolxumada ay xeerarkan xambaarsanyihiin.

Taxanahan waxaa ka qayb qaadanaya qaar ka mid ah hoggaanka sare ee Xarakada Mujaahidiinta Al-Shabaab, culimo iyo wax garad Soomaaliyeed kuwaas oo caddeynaya siyaabaha kala duwan ee ay dowlad-ku-sheegga Soomaaliyeed iyo maamul goboleedyadeeda ku mutaysteen in la gaaleysiiyo laguna tilmaamo maamulo ridda ah, wuxuuna si gaar ah u soo bandhigi doonaa udub dhexaadka uu ku dul meereysanayo dagaalka ka aloosan Soomaaliya, kaas oo u dhexeeya mujaahidiinta oo doonaya in Kitaabka Allaah dalka lagu dhaqo iyo xukuumadaha riddada oo doonaya in dimoqraadiyad iyo qawaaninta reer galbeedka lagu maamulo.

Dokumentarigan taxanaha ah ee “سَاءَ مَا يَحْكُمُونَ” waa mid ummadda Soomaaliyeed lagu baraarujinayo, looguna caddeynayo xumaanta iyo gaalnimada ku jirta dastuurka xukuumadda federaalka Soomaaliya, xeer ciqaabkeeda iyo shuruucda kale ee u degsan. Aragtida uu xambarsan yahay taxanahan waa mid ka tarjumaya mawqifka sharciga ah ee Xarakada Mujaahidiinta Al-Shabaab ka qabto xukuumadda riddada Soomaaliya, isaga oo caddeynaya gaalnimada ay ku sugan yihiin madaxda murtadiinta iyo sababta ay mujaahidiinta dhiigooda u xalaashanayaan, xukuumaddoodana u duminayaan.

Ugu dambeyntii, Mu'assasada Al-Kataib waxay dhammaan qeybaha kala duwan ee bulshada muslimka ah ee Soomaaliyeed, culimo, aqoonyahanno iyo indheergarad intaba ugu baaqeysaa in haddii ay qabaan dood ama aragti ka duwan midda lagu soo bandhigi doono taxanahan, ay mujaahidiintu diyaar u yihiin iney ku martigeliyaan Wilaayaadka Islaamiga ah, halkaas oo aanu ugu fidin doonno gogol si ay uga qayb qaataan dood-cilmiyeed ku saabsan **الحكم بغير ما أنزل الله** iyo dhamaan masaa'isha lagu soo bandhigi doono taxanahan, waxaanna leenahay:

{قُلْ هَاتُوا بُرْهَانَكُمْ إِن كُنْتُمْ صَادِقِينَ}



وَلِلَّهِ الْعِزَّةُ وَلِرَسُولِهِ وَلِلْمُؤْمِنِينَ وَلَكِنَّ الْمُنَافِقِينَ لَا يَعْلَمُونَ

“But honour belongs to Allah and His Messenger, and to the Believers; but the Hypocrites know not”